

պնդելու, թէ պառակտման պատճառ են ծառայել այդպիսի վերացական-սկզբունքային խընդիրներ: Ընդհակառակը, բաժանումը առաջ եկաւ շատ աւելի պարզ եւ մարդկային կրքերից ու ցանկութիւններից բխող պատճառներից:

Յետոյ գալիս են օտար աղբիւրները: Փամանակի կարգով առաջինն է Կապիլլետտին*), որ բաւական մանրամասնօրէն պատմում է վարդապետների մէջ ծագած պառակտումը եւ այն դէպքերը, որոնց հետեւանքով Ասատուր Բարիկն ու Մինաս Գասպարեանը վտարուցին Վենետիկից ու փոխադրուցին Տրիէստ: Կապիլլետտին օգտուել է Վենետիկի Հանրապետութեան պետական դաղանի զիւանից, ինչպէս Սուրբ Ղազարի վանքի զիւանից, ուր պահուած են վաւերագրերի ու հրամանագրերի բնագիրները: Այս երկու զիւաններն էլ պահուած են օրինակելի կանոնաւորութեամբ, մինչդեռ Վենետիկի պատրիարքի գրասենեակի զիւանը զբոնրում է վատ վիճակում, նրա վաւերագրերի մի մասը ծախուել է Վենետիկի մտավաճառներին ու պողպատաճառներին որպէս փաթեթի թուղթ: Հետագայ պատմութիւնը յեղափոխական վարդապետների Տրիէստում հաստատուելու եւ նրանց գործունէութեան առաջին քայլերի մասին, մեծ չափով, մենք դնում ենք բոլորովին անսպասելի մի աղբիւրից:

ԺԼ. դարու ամենէն հետաքրքրական ու փայլուն դէպքերից մէկը վենետիկցի Ջիւզեպպե Կազանովան էր, մի վերին աստիճանի անսկզբունք ու արկածախնդիր մարդ, որ աչքի էր ընկնում նոյնիսկ արկածախնդրութիւններով, պատեհազաւորութեամբ ու բարքերի անկումով այնքան հարուստ այն ժամանակներում:

Կազանովան ծնուել է 1725 թ. սղանական ասպետներից ծագող հօրից, որ ընկել էր մինչեւ դերասանութեան աստիճան, եւ Գոլդոնիի թատրոնի դերասանուհի-մօրից դաստիարակուեց իր վենետիկցի տատի մօտ: Մինչեւ 20 տարեկան հասակը նա, այդ թեթեւամիտ ու զրւարթ քաղաքում փոխեց մէկից աւելի զբա-

ղումներ եւ, ի վերջոյ, դարձաւ ջութակահար մի նուագախմբի մէջ: Մի օր, պարահանդէսից դուրս գալիս, նա ինչ որ մի ծառայութիւն է մատուցանում ծերակուտական Բրիգադէնին, որը նրան առնում է իր տունը, հազցնում, ապրուստ ու սենեակ, սպասաւոր տրամադրում, նաւակ՝ զբօսանքի համար, 10 ոսկի՝ զբոսանի ծախս, ու խորհուրդ է տալիս, մտածել սեփական հաճոյքի մասին:

Կազանովան հետեւում է իր բարերարի խորհրդին եւ կեանքի սկզբունք ընդունելով (ande sopere) (խիղախի՛ր զիտե՛նալ) նշանարանը՝ սկսում է ձգտել՝ ճանաչել ամէն ինչ եւ անել ամէն բան: Եւ շուտով առաջնակարգ դիրք է զբաւում հաճոյքի ու նորաձեւութեան սիրահար այդ քաղաքի աշխարհաքաղաքացիական հասարակութեան մէջ, խաղարանում ու պարասրահում: Ոչնչից ու ոչ ոքից չի ճնշում եւ զիւրութեամբ վարկարեկում է քաղաքի ամենանշանաւոր կանանց՝ անտես անելով վայելչութեան ամենատարական կանոնները: Տասնամեայ նման կեանքով նա դառնում է այլեւս անհանդուրժելի եւ անբաղձալի նոյնիսկ Վենետիկի հանրապետութեան մէջ, որ համարում էր աշխարհիս ամենալայնախոս երկիրը բարքերի տեսակէտից:

Եւ ահա մի գեղեցիկ առաւօտ, շնայած երեք նշանաւոր ծերակուտականների հովանաւորութեան — Բրիգատէնին միացել էին եւ երկու կու ուրիշ ականաւոր ու հարուստ ծերակուտականներ — նա, «այդ անսպառ վարդապետութիւնների տէր մարդը, որ սովոր էր ապրել ուրիշների հաշուին՝ անձնատուր անառակութեան ու խաղամոլութեան»*), զրուեց Վենետիկի հռչակաւոր (Piombi) (Արճճէ) բանտը հինգ տարի ժամանակով: 15 ամիս մնալով բանտում եւ, տեսնելով, որ ոչ մի յոյս չկայ իր վիճակի բարւոյթման, Կազանովան փախուսաւ է տալիս՝ զարմանալի ճարպիկութեամբ եւ անվահարութեամբ: Վենետիկի դռները փակուեցին նրա առջեւ, եւ նա սկսեց ճամբորդել Եւրոպայի զանազան կողմերը: Անցաւ Ֆրանսա, Սպանիա,

*) Cappelletti, Storia della Christianismo in Continuazione a quella dell'abate di Berault-Bercastel, volume IV, Firenze, 1846 p. p. 209-214.

*) Այսպէս էին բնորոշում նրան ինկուիզիտորները բանտարկութեան հրամանագրի մէջ, 1755 թ. Յուլիս 24-ին: